

ՆԱԶԱՐ.– Ուստիան, դո՛ւռը բաց, աւագակները գալիս են:

ՈՒՍՏԻԱՆ.– Գնա ճաքի՛, չե՛մ բանա:

ՆԱԶԱՐ.– (Ուրիշ կողմից) Բա՛ց արա դուռը, աւագակներն եկան, գէնքերս պիտի կապեմ:

ՈՒՍՏԻԱՆ.– (Պատից վայր է բերում Նազարի ժանգոտ սուրը, վերցնում է դրօշակը, չուխան եւ դռան արանքից դուրս է լցնում:) Ա՛ռ անտերներդ, չքուի գնա՛:

ՆԱԶԱՐ.– Զիմի ես մթանը ո՛ր գնամ:

ՈՒՍՏԻԱՆ.– Գնա Դաղստա՛ն, գլուխդ պահի: Ել քեզ կնիկ չե՛մ, (Պառկում է:)

ՆԱԶԱՐ.– (Վերցնում է չուխան հագնում, զենքը կապում է, դրօշակը բռնում) Ուստիա՛ն, եկա՛ն... (Նայում է անտառի կողմը եւ կուչ գալիս դռան մօտ) Եկա՛ն: Բը՛, բը՛, բը՛... (Աւելի բարձր) Բը՛, բը՛, բը՛... (Աւելի բարձր) Բը , բը, բը ... Ո՛ւմ վրայ էք գալիս... Կայծերդ կհանեմ... Բը՛, բը՛, բը՛... Էհե՛յ... (Փախչում է տան հետեւը ձախ կողմից:)

ՍԱԶՈ.– (Ծառերի միջից ներս գալով աջակողմը, ճերմակ փափախը գլխին) Ամա՛ն աստուածասէ՛ր, տո՛ւն է, գե՛ղ է, ո՛վ կա, հա՛սեք, ճամփեն կորցրել ենք:

ՈՍԿԱՆ.– (Առաջ գնալով նրա հետեւից նոյնպէս ճերմակ փափախով) Ա՛յ տղա ձին կապի ծառից, տեսնե՛ք ո՛ր ընկանք:

ՍԱԶՈ.– Ա՛ման, Ոսկան, ձեռից գնացի՛ք: Ջահանդամ-դարասին ենք ընկել:

ՈՍԿԱՆ.– Աստուած ողորմած է: Մի՛ վախի, Սաքո:

ՆԱԶԱՐ.– (Մօտենալով, ձախից, բայց դեռ չի երեւում) Զաջ Նազարն եմ հա, մի՛ն կգարկեմ, կջարդեմ հազա՛ր:

ՍԱԶՈ.– Ա՛ման, Ոսկան, ես ի՛նչ Զաջ Նազար է:

ՈՍԿԱՆ.– Չեմ իմանում: Նստի, ժամ մի գա: (Կուչ են գալիս թփերի մէջ:)

ՆԱԶԱՐ.– Զամբո՛: Բուրջի ծերի՛ն ես: Լաւ մտիկ տուր, դեմիցը քարուան է գալիս: Թե Զեռօռլունն է, կտրենք: Էգուց Սարդարի մօտ ճաշի ենք: Ընծա տանենք: Ես է ձիս թամբում եմ: Տղե՛րք, դուք էլ պատրաստուեցէք: (Լռութիւն: Ինքն իրեն հարց է տալիս) Զաջ Նազար, Էդ ո՛ւմ հետ ես խօսում: (Պատասխանում է) Ա՛շի, բեզարեցի Էդ Զեռօռլու գօրքը ջարդելուց, տղերանցը տանում եմ: Գնանք ջարդենք: (Հարց է տալիս) Էդ Զեռօռլուց վազ չես գալիս, Էլի՛: Մե՛ղք է, բաշխի: (Պատասխանում է) Չէ՛, պիտի գլուխը աղեմ. (ականջ է դնում) Է, ո՛վ կա Էդտեղ, Զամբո, Էդտեղ մինը կանգնել ականջ է դնում, տես ո՛վ է, բռնի բեր: Բռնեցի՛ր: Պոկի վիզը: Պոկեցի՛ր: Զա՛, դե լաւ, դեն գցի: Էդպէ՛ս:

ՍԱԶՈ.– Ա՛ման, վա՛յ թե մեր օրն էլ Էստեղ պիտի հատներ: